

## 125. A M'o:ho:l'ath Youth Visits the Thunderbird

(Tyee Bob via Sapir)<sup>1</sup>

Wikmaqakitwe?in qo:?as, wik'at chamihta ha:ho:pat.  
 T'apat'aqsto?atl ha:w'ilatl?i ?ani ?on'a:hshitl?a:qt1  
 hilh?a:qtli: hat'i:s. Ya:tsshi?atl hiy'ath toxol  
 tl'a:s?a:a:l<sup>2</sup> tl'op'i:chh. Hat'i:schi?atl ti:tlti:chi?atl,  
hayosahtakokwe?in tichim ti:tlti:chi?atl. ?E?im mo:chi:lkwal  
 ti:tlti:yatl, ?a:nasatlok mamoms ti:tlti:ya, ti:tlti:ya  
 ko?al ti:tlti:ya to:pshitl hishtsaqts'o?ak. We?ichotltla:  
 n'a:sshitltla: ti:tlti:chitltla: ko?al to:pshitltla:  
 ti:tlti:chitltla:, p'iyachi?atl'at tokwa?at?i  
 qachts'achilshi?atl?itq ti:tlti:ya, ?o:hw'inkshi?atl tlol?is?i  
 kw'a:lok n'opcho:lshi?atl ?o:hwink. ?Aha?:atlwe?in  
 mo:chi:lshi?atl washi?atl mo:ch'i:yil?atlta: wi:napil  
 tloyay'ap'atl tokwa?at?i.

?Ah?a?:atlta: ya:tsshi?atlta: ?iqsilatltla:  
 ti:tlti:chi?atlta: ?iqh?atloktla: kw'a:lok qwigwi:tspak?itq.  
 Titlti:chi?atlta: to:pshitl. We?ichotltla:  
 hi:y'a:qt1'assatlqo:we?in hita:qtla:s i we?ich.  
 ?Atlchi:lshi?atl ti:tlti:yatla: ko?al ti:tlti:yatla:  
 to:pshitl ti:tlti:yatla: ko?al ?ish to:pshitl.  
 Ti:tlti:yatla: ko?al qwistla: to:pshitl mo:chi:lshitltla:  
 ti:tlti:ya.<sup>3</sup> ?Ah?a?:atl walshi?atl mo:chi:yil?atlta:  
 wi:napil.

Ya:tsshi?atlta: ti:tlti:chi?atlta:, mo:p'itshitlwe?in  
 mo:mo:chilkwala. ?Ah?a?:atlwe?in we?icho?atl po:w'itsshi?atl.

"?Otsachi?a:ni:," wa?:atl'at ?i:ch'im qo:?as ?oh?at.  
 "?Otschi?atl'im hiy'athi:ts T'i:tsk'in."

Tlopkshi?atl hashahshi?atlok ?ani po:w'itsaqa. Wala:k'atl

wa:<sup>?</sup>atl<sup>4</sup> ?o?okwink'atl ?om<sup>?</sup>i:qsak<sup>?</sup>i, ?i:qhokw'atl ?ani  
ya:tspanach<sup>?</sup>a:qtl.

"Wik'<sup>?</sup>i:sim qa:hawilshi?a:h hayochilkwalqo:s," wa:<sup>?</sup>atl  
?om<sup>?</sup>i:qsak<sup>?</sup>i, "'Qahshitlch'a<sup>?</sup>ash' we:<sup>?</sup>isim hayochilkwalqo:s  
?ish mo: qa:hawilshi?atlsok ?ah<sup>?</sup>a:.."

Wala:k'atl ha:w'ilatl?i ?otsachi<sup>?</sup>atl hihist'itol<sup>?</sup>itq  
po:w'itsa. Ti:tl*ti:chi*?atl ?o:tsiy'okh<sup>?</sup>atl<sup>5</sup> maht'i:<sup>?</sup>ak<sup>?</sup>i  
T'i:tsk'in. Mo:chilo:<sup>?</sup>okwe<sup>?</sup>in hi:ninqintl nochi:<sup>?</sup>i ?okla:  
To:ta:.<sup>6</sup> Ti:tl*ti:yatlqo:we*?in hi:niqintl ?oyo<sup>?</sup>al<sup>?</sup>atlqo:  
ch'a<sup>?</sup>ak ya:tsshi<sup>?</sup>atlqo:we<sup>?</sup>intla hawi:<sup>?</sup>atlqo: hat'i:s.  
Qatachi<sup>?</sup>atl'at tokwa<sup>?</sup>at<sup>?</sup>i mo:chi:lshi<sup>?</sup>atl ya:tsok ?ah<sup>?</sup>a:<sup>?</sup>atl  
. hinasi<sup>?</sup>atl. Wik'it t'ashi: tl'athak ye:::: n'o:pi<sup>?</sup>ak  
hisili:chi?a:h<sup>?</sup>atl hiningintl, walshi<sup>?</sup>atl hita:<sup>?</sup>atatl  
n'o:pchilo:<sup>?</sup>okw'atl hi:ta<sup>?</sup>ach. Walyaqshi<sup>?</sup>atl  
?atlakwalchilkwal, ?i:qhsh*i*?atl ?omi:qsak<sup>?</sup>i.

"?Otsachitlitah," wa:<sup>?</sup>atl, "Maht'i:<sup>?</sup>ak<sup>?</sup>i T'i:tsk'in."

Kamat'ap'at hilqa: ma<sup>?</sup>as T'i:tsk'in To:ta: ?okle:<sup>?</sup>i  
nochi:. Ha:ho:pshi?atl ?om<sup>?</sup>i:qso<sup>?</sup>i.

"Qi:chi<sup>?</sup>im ti:tl*ti:ya* wik'im lochna:kshitl," wa:<sup>?</sup>atl  
?om<sup>?</sup>i:qso<sup>?</sup>i t'an'a:k ?okwil.

Qi:chitl ha:ho:pa ?om<sup>?</sup>iqso<sup>?</sup>i wik ?i:qhok chakopok<sup>?</sup>i  
qwa:<sup>?</sup>ak<sup>?</sup>itq<sup>?</sup>al t'an'a ?o:no:tl ?ani wikqa: chamihta  
ha:ho:pa t'an'a:k n'ow'i:qso<sup>?</sup>i. ?Ah<sup>?</sup>a:<sup>?</sup>atlwe<sup>?</sup>in hawi:<sup>?</sup>atl  
ha:ho:pa. ?Ah<sup>?</sup>a:<sup>?</sup>atl*tl*la: hita:qtl'i<sup>?</sup>atl*tl*la: wa:ltaqshi<sup>?</sup>atl  
?om<sup>?</sup>i:qsak<sup>?</sup>i ?ani hayochilkwal?a:qtl. Ti:tl*ti:chi*?atl*tl*la:,  
tlah<sup>?</sup>atl ?i:h<sup>?</sup>atl<sup>7</sup> qwaqwa: mo:shtaqlachi<sup>?</sup>atlok kw'a:lok.  
We<sup>?</sup>icho<sup>?</sup>atl*tl*la: ko<sup>?</sup>i:chitl*tl*la:. Ti:tl*ti:chi*?atl*tl*la: ko<sup>?</sup>al,  
hayoshtaqlak'atlok tl'aqapt qwam'e:<sup>?</sup>itq ?ish mo:..

To:pshitlta:. Qi:chi?atl ti:tlti:ya wawi:chi?atl ?oyi  
 t'ashna:ksap'atqo: qwitsachitl?a:qtl?itq wawi:chi?atl  
 ?a?aniwi:chi?atl ti:tlti:yatlqo: ?o:kshi?atl t'ashi:.  
 Wawa:?atl sa:ch'ink ko?al?atlqo:, to:pshi?atlqo: qwam'e:?itq  
 n'a:sshitl wawa: t'ashi: ?oyi:?atqo:.

Hayochilshi?atl walshi?atl hinassi?atlok hayochil qwis?atl  
 wawa:?a:nit?itq ?om?i:qsak?i ha:ho:pat. Hinawi?atl ?athi:?itq  
 ?i:qhshi?atl ?om?i:qsak?i ?ani hinin?atlqa. ?Ah?a:?atlwe?in  
 kamatsap'atl'at ?oh?at yayaqwink?itq ?ots?oksopt'a:l  
 Ko:kohw'isa\_i:h?i. ?Ah?a:?atlwe?in mo:chi:yil?atlta:  
 wi:napitl wik'atl'atqo:we?in n'acho?al?at ?oh?at tlatlo:?i  
 qoqwa:s. Ha:ho:pamaqshi?atl ?om?i:qso?i.

?Ah?a:?atlwe?in hita:qtl'i?atlta:, ti:tlti:chi?atlta.  
 Ts'a?ak?isma hil ?ah?a: t'a\_a:qtl'as?i tl'a:s\_a:a:l ?okla:  
 Ma?itqnit<sup>8</sup> wih>shi?atl ts'a?ak?is?i ?a:nachan'ol?itq  
 ?o:sa:hatl ti:tlti:yatskwi.<sup>9</sup> Ti:tlti:yatlqo:we?in  
 ?atlchi:lshi?atlta: ti:tlti:ya hita:qtl'ash hilh Ma?itqnit  
 to:pshi?atlqo: wawa:?atl ?oyi:?atqo: t'ashi:, tloyachitlokqo:  
 t'ashi: qwi:tso?ok?itq, ?o?okwink'atl tsitsiqink hina:yil?i  
Haw'il, lakso:qisto?atqo: t'ashi: ?oyi:?at. Sa:ch'inkshi?atl  
 wawa: ?oyi:?atqo: t'ashi: yatsolnaksap'atqo: tl'athsy'a:hol?i  
 hisap'atimt?itq hisili:chi?a:h hininqintl.

N'a:sshi?atl n'opochilshi?atl?itq tlah?atl ?i:h?atl wawa:  
 wiktsokshi?atlok<sup>10</sup> wawa:. Qwa:?atl ?o:shh?atqo:,

"Wawe:?i," wawa:?at.<sup>11</sup>

?Atlchi:lsami:chi?atl ya:tsshitl. ?Ah?a:?atlta:  
 hat'i:s?atlta: ?o:y'ip'atl ma:ma:ti histi:p ma:ma:ti  
 ch'a?ak?i hilh*i*:tq hat'i:s. Hini:p'atl ma:ma:ti?i,  
 sokwi?atl tl'o:shiml.<sup>12</sup> Haya:?ak histaqshitli: ma:ma:ti?is?i,

sokwi?atl tlol ma:ma:ti?is?i, tlol?at t'oh<sup>t</sup>s'iti  
 ma:ma:ti?is?i. Hat'i:s to:pshitl, ?ah?a:?atl hawi:?atl  
 walshi?atl ?otsachi?atl ?om?i:qsak?i.

"Waha:k?a:qtlah gwitsachitlitgas ?o:m?i."

Ya:tsshi?atl ?am'i:chi?atl?itq ya:tsokw'atl. We?ichotl  
 ?ah?a:. Ko'i:chi?atlsla: ya:tsshitltla: ?am'i:chitltla:  
 hinasi?atl noch:i?i t'a:2i:tl'e?i. ?Ona:k'atl hisyo: ?aya:k  
 hisyo:. Hininqano?atl ya:tsshi?atl ya:tsokw'atl  
 mo:chilo:?okw'atl. Hinasi?atl tl'athak?i t'ashi:?i?atl  
 hininqano?atl tlol?atl t'ashi:?i. Hini:p'atl tlol?i: t'ashi:  
 wik'i:tshi?atl tl'athak?i hitapatl p'ishaq?i t'ashi:?i.  
 N'acho?al?atl maht'i:, machino?atl maht'i:?i hine:?i?atl  
 T'i:tsk'in ?o:ts?i: maht'i:.

"?o?i:?il?i ya:," wa:?at.

?Ayawe?in Hi?itl'i:k, pisatok Hi?itli:k ?o:shmaqak'ap  
 to:hok ?o:kwil hisyo:?i.

Ha:2inchi?atl Kist'e?i, "Hine:?i?atokwe?its maht'a::::"

Kist'e?i ?oh?atl ha:2inchitl.

Ha:2inchitltla: Kist'e?i, "Hine:?i?atokwe?its maht'a::::,  
 qo?atstop !"

Tla:?o:ktla: ha:2inchitltla: Kist'e?i, "Hine:?i?atokwe?its  
 maht'a::::."

Mo:p'itshitl ha:2inchitl.

"Ho::::," t'itsk?atl'at saya:sht?atl.

Tla:?<sup>o</sup>ktla: t'itsk<sup>?</sup>atl ha:m'i:chi<sup>?</sup>atl. Tla:?<sup>o</sup>ktla:  
ha:m'i:chi<sup>?</sup>atl ?ana:qh<sup>?</sup>its'atl, tla:?<sup>o</sup>ktla: t'itsk<sup>?</sup>atl qwa:  
 saya:qo:.

Tsishi<sup>?</sup>atl Kist'e?i, "<sup>?"</sup>Otsachitlchi yi: hoptshitl."

Hoptshi<sup>?</sup>atl qo:?<sup>as</sup>?i. Hini:<sup>?</sup>atl ma:tli:tsim<sup>?</sup>ak<sup>?</sup>i  
 hisyo:?<sup>ak</sup>?i Kist'e?i.

"Ho::::," t'itsk<sup>?</sup>atl'atl hita:s<sup>?</sup>i

Machino<sup>?</sup>atl qo:?<sup>as</sup>?i.

"Ha:yiqo:litah, qo:?<sup>asma</sup> ye:yil," wa:<sup>?</sup>atl Kist'e?i.

Han'ahto<sup>?</sup>atl qo:?<sup>as</sup>?i ?otsa<sup>?</sup>ap'atl ya: hi:ls<sup>?</sup>ato<sup>?</sup>i tlawa:  
 Hi<sup>?</sup>itl'i:k<sup>?</sup>i qwitsay<sup>?</sup>ap'itq k'atshaqok<sup>?</sup>i. T'iqpipi<sup>?</sup>atl  
 qo:?<sup>as</sup>?i. Tlokwaqak'at qa:ty<sup>?</sup>apt'a, ?i:h qo:?<sup>as</sup>.

"Hitatsohtatl'i," wa:<sup>?</sup>atl'at qo:?<sup>as</sup>?i hope:<sup>?</sup>i.

Hitatsohtatl qo:?<sup>as</sup>?i ?o*?*i:<sup>?</sup>il<sup>?</sup>atl t'iqppi<sup>?</sup>atl. ?Inkokwe<sup>?</sup>in  
 hil ?inkolok<sup>?</sup>i.

"Ha?<sup>?</sup>ok<sup>?</sup>a:qtle<sup>?</sup>its."

Hini:<sup>?</sup>as<sup>?</sup>atl qo:?<sup>as</sup>?i. Wik qi:kwa:l, hini:s tl'a:q  
 qo:?<sup>as</sup>?i ?i:h tl'a:q<sup>?</sup>i. Sokwi<sup>?</sup>atl ma:qya:k<sup>?</sup>i, ?i:h ma:qyo.  
 ?Atlqimlokwe<sup>?</sup>in m'oksy'i hil ?inkok<sup>?</sup>i tl'opa:l sa:ch'ink  
 m'oksy'im'inh<sup>?</sup>i. Ch'aqsip'atl ma:qya:k<sup>?</sup>i, tl'am'ahsip'atl,<sup>13</sup>  
 moxshi<sup>?</sup>atl tl'imsats<sup>?</sup>i, hitaqsi<sup>?</sup>atl tl'a:q<sup>?</sup>i ?i:h<sup>?</sup>ak  
 tl'am'aqt<sup>?</sup>i. Tl'a:pshi<sup>?</sup>atl m'oksy'i<sup>?</sup>i tl'am'ahsip'atl, w:::::  
 moxshi<sup>?</sup>atl, hitaqs<sup>?</sup>atl tl'a:q<sup>?</sup>i tl'ahits'ino<sup>?</sup>atl tl'imsats<sup>?</sup>i.  
 Na:w'ahtatl m'oksy'a:k<sup>?</sup>i, qi:i:p'atl sokwi<sup>?</sup>atl tla?<sup>o</sup>:?i

m'oksy'i, tl'am'ahsip'atl<sup>tl</sup>la: moxshi?atl<sup>tl</sup>la:. ?Atlqimlok  
m'oksy'i. Na:w'ahi:chi?atl siachitlokw'i:kgo:.

"Tloyachitle?its," wa:?atl T'i:tsk'in*?i*.

Qo:?as ?o:ty'a:p'atl hisyo:?ak?i hini:?atl, wa:?atl,  
"La:kwiqnakah?a:la p'isha?a:nitah n'o:w'is  
tloyachitlma?i:qtlah ?o:no:tlah ?otso?achitl sow'a, Haw'e:l!  
Wi:kmi:kitah chims."

?O:yoqwatl ya: T'i:tsk'in. Wik?a:tl qo:?as?i T'i:tsk'in*?i*  
wik tsiqshitl. Sokwi?atl tl'a:qok?i hitakwist'ahs?ap'atl<sup>14</sup>  
tl'a:qok?i siatl'atlok.<sup>15</sup> Hini:?atl'at qo:?as?i ha?okshi?atl  
qo:?as?i tl'a:q?i:, wik to:hok qo:?as?i ha?ok ?i:w'i:sshitl  
tl'a:q?i hawi:?atl ha?ok.

Tsiqshi?atl qo:?as?i T'i:tsk'in, "?Oyi:?a:qtlah  
Hi?itl'i:k?i qi:tskw*i*:?atl".<sup>16</sup>

?Ona:kshi?atl qó:?as?i hini:?atl T'i:tsk'in*?i*.

Tsishi?atl y'oqwa: T'i:tsk'in, "?Ona:hah?a:la hisyo:tskwi  
shi:tlokw'atlqo: ma?as. Cho: walshi*?i:ke?its*."

Hini:?as?atl maht'i:?ak?i hi*?i:swe?*in hita:s*?i* ?i:hto:p!

"?O:tssike?its ?ah."

"Cho: !" wa:?atl qo:?as?i.

Sokwi?atl ?aky'akok?i topkok ?aky'ak?i, m'oksy'imatakok.  
Ch'ichi?atl qo:?as?i T'i:tsk'in ?i:hto:pok?i. Sachkok  
?aky'ak, lapsa:p ?i:hto:p?i. Sokwi?atl kohswi:nop  
T'i:tsk'in, ?ich'ay'ap'atl T'i:tsk'in*?i* ts'isq.w'a:t*?i*

tl'a:q.

"Yox?its'atlma," wa:?atl T'i:tsk'in k'a:lk'o?itl.

Wik tsiqshitl qo:?as?i to:hokw'atl ?ani ?i:h kwatyi:k.  
 Ch'ihtay'ap'atl T'i:tsk'in?i tl'a:q?i, sokwi?atlta:  
 T'i:tsk'in?i,

"Yox?its'atlma, ni: ?" wa:?atlta: ?o:kwil qo:?as?i.

Wik'atlta sokwitl qo:?as?i wa:?atl ?ani kwatyi:k.

"A:nahse?isoko:se?its. Cho: m'aw'e:i:kah so:til  
?a:nahse?isoko:se?its tl'a:q."

Machino?atl qo:?as?i T'i:tsk'in?i. Histo:kw'al machi:l  
 ?i:naxi:chi?atl m'ochicho?atl mat?ini?ak?i. Hini:?as?atl  
 T'i:tsk'in ma:ma:tatl.

"Hilike?its ?ahko:," wa:?atl'at qo:?as?i ?a:?apsw'inq?at?i  
 T'i:tsk'in. "K'itsink'im," wa:?atl'at qo:?as?i ?oh?at  
 T'i:tsk'in, "Wik'im napxshi?a:h qahshitlo:sin."

Sokwi?atl T'i:tsk'in qo:?as?i ?otsay'ap'atl  
 ?a:?apsw'inq?at?i.

"Cho ! K'itsinkshi?atl'i !"

K'itsinkshi?atl qo:?as?i. Qwa: ?appi: hista:tokw'atqo:  
 t'itska: T'i:tsk'in?i wik hasa:tok. Wi:m'a: qo:?as?i na?a:,  
 wik qwa:?ap qwa:?ap?itq ma:ma:ti mata: ?a:nahi hahaqchim  
 tsi:kmalapi ch'itxwa:. Wi:napo?atl, hilh?atl Tl'a:s[a:a](#):l  
 hita:qt1'as?i. ?Ost*i*?atl qo:?as?i wa:?atl'at ?oh?at  
 T'i:tsk'in?i wikqo: napxshitl qi:..

"Qahshitlo:sah," wa:ltaqshi'atl T'i:tsk'in'i walshitl matshitl.

?O?i:?as?ap'atok tl'a:q?i: Nanimxsh<sup>18</sup> ?okle:?i nism'a.  
Wik'atl walshitl qo:?as?i ?otsachitl ?om?i:qsak,  
mo:chi:y'aqt'l'as?atl. Walshi'atl ?athi: ?otsachi'atl  
n'ow'i:qsak?i ?i:qhokw'atl ?ani ?otsachitlitqa T'i:tsk'in.

"Hi?i:sokw'ap'atah tl'a:q Nanimxsh."

"Wik?a:qtlin ha?ok," wa:?atl n'ow'i:qso?i,  
"Ch'iha?:ake?its," wa:?atl n'ow'i:qso?i.

Ya:tsshi'atl ?am'i:chi'atl?itq ko?alh ?otschi'atl  
tl'a:q?i... N'a:n'a:n'ichshi'atl tl'a:q?i: n'ow'i:qso?i  
hayimhatl qwigi:, wiky'o: qwayo'al oy'ichi:lshi?atl.  
N'ow'i:qso?i ?o?o?i:hwe?in tl'anoqmaqsim?i oy'ichi:l,  
walshi'atl. ?I:qhokw'atl lo:tssma:k?i, ya:l kamat'ap ?oh  
?omi:qso?i ?ohi:tqa qwachi:l t'an'a:k?i qo:?atsi:l.

"Ah?a:patlwe?in hashi:chi?atl'at wikkmaqakit?i ha:w'ilat  
?ani ti:chqa: qahshitlqath?ap'a:nitqa qi:?atl'a:niy wik'at  
n'acho'al. ?Ohsa:?atl'at<sup>19</sup> chims haw'ahsat, ?oh?at  
?i:ch'im?i qachts'a. Chichimy'i:hshi?atl ?otsachitl  
?a?ok?i.<sup>20</sup> Hitasa?atl, walshi'atl ?atlqimy'ahs chims.  
Chimstssa:qshi?atl ch'iyi:chi'atl, tl'i:?atl w'aq?o:?atl  
qo:?as hat.shatak, ha?okshi'atl chims?i. Hawi:?atl ha?ok  
walshi'atl qo:?as.

Ha:ne?i:chi'atl Ko:kohw'isa?i:h?i, wik'atl w'aq?o: hitahtis  
?otsachitl ye: top'al?i. Walshi'atl qo:?as?i  
qachts'aqimy'ahs ko:kohw'isa. Tl'i:?il?atl y'o:qwa:  
w'aq?o:?atl qo:?as hachatak'atlla:, ha?okshi'atl ?aye?i  
qo:?as ko:kohw'ise?i qachts'a. Walshi'atl ?aye?i qo:?as.

Qi'atl wiwi:ktaq ?otsachitlit?i T'i:tsk'in.  
 Chichimy'i:hshi?atltla:, ?ayi:p'atl chims. Hayoqomli:p'atl  
 chims ?atlchi:lshitlh, ch'iyi:chi?atl tl'oshsa:p'atl hayoqoml  
motsmhaq. Tl'i?:il?atl ch'o:chk'i?atl cha:kopi:h lo:chsa:mi:h  
 t'a:tn'e?is, walshi?atltla: chichimy'i:h?i qwiyi?itq<sup>21</sup>  
 chocho:kwa?inmas?itq ?atlqimy'ahs?atltla:, hilhok yi hita:s?i  
 siqa:. Machino?atl si?atl?i chims ?aya, hinhawi?atl qo?:as  
 ha?okshi?atl ?aye?i qo?:as, ?i:qhokw'atl n'ow'i:qso?i ?ani  
hayoqomlqa chims. ?Ah?a:?:atlitwe?in ha?oksap'atl  
 n'ow'i:qsak?i chims ?o:i:s?ap'atl ?ayi:s?ap tl'a:a:q, tl'a:qok  
 chims. Ha?okwitl'as?atl ?ani wikt'a:nit tlol, ha?okshi?atl  
 n'ow'i:qso?i ?athi:..

"He?i:sshitl?a:qtle?its," wa?:atl ha:w'ilatl?i n'ow'i:qsak  
 ?o:kwil, "Wi:kmi:kshitlo:sah wi?i:sshitlqo:k."

Ha?okshi?atl, tsoma:no?atl ?o?omhichitl wikt'ahshitl lo?:e?i  
 tsoma:no?atl?itq.<sup>22</sup> ?Anasila k'ashpa:ts'ol<sup>23</sup> qahshi?atl. Wik  
 hashiy'ani:chitl ?ani qahshitlqa nisy'i:ha. ?Oy'oksap'atl  
 tl'a*2*i:ksap n'ow'i:qsakit?i ?atlqiml motsmohhaq, n'o:hshi?atl  
 ?otsa?ap'atl hilat'e?e?i toxol?i. Hamat.sap'atl'at ?ani  
 qahshitlokqa n'ow'i:qso ?otsachitlit?i T'i:tsk'in.  
 Wiwi:ktaqshi?atl qahshitlok?i n'ow'i:qso. ?Ana:tl  
 Kokohw'isa*2*i:h?i Ts'o:ma:as?ath kokohw'isa*2*i:h?atl  
 mo:qomy'ahs. Tl'i?:il?atl hitasa?atl?itq mo:qoml?i  
 ko:kohw'isa.

?Ah?a:?:atlitwe?in qi?:atl wiwi:ktaq qahshitlok?i  
 n'ow'i:qso. ?Otsachi?atl Nanimxsh hil'i:tq ?i:hto:p?i,  
 ?ah?a:?:atlwe?in kw'a:li:ch?itap'atl, ?ah?a:?:atlwe?in  
 walshi?atl. ?Ichshi?atl qi?:as?atlqa. ?Oh?atlitwe?in n'a:tssa  
 n'ow'i:qsakitgas cha:skwinm'inhich'a hiye?:is Nanimxsh.  
 ?Ah?a:?:atlitwe?in ?o?:inl hayo ?ish n'opoqoml chimsa?aq,  
 machi:l?atlok n'opqiml cha:skwin ?oyima:?:atl'atl himchitl

n'oshshi*?i:kqo*.. Chocho:kwa*?inmas'atl*. ?O:n'ak?a:qtl'atl  
 T'i:tsk'in*?i qwayo?alit?itq*, ?oya:tl kwisq*?ichshi?atl?itq*.  
 ?Ah[?atlwe](#)?in n'oshshi*?atl* w'aq*?o:hachatak*, hilh*?atl*  
 Tl'a:s*?a:a:l*, ?ah[?atlwe](#)?in hiy'a*?atl* t'i*?a:a* hitin*?e?e?i*  
 Tl'a:s*?a:a:l*.

?Ah[?atlwe](#)?in hissimlasts'atlok T'i:tsk'atqt'i:*?ila*  
 pits'op ?oh*tin?ak* hinki:tsim. ?O:t'i:*?ilap* qwa:*?ak?itq*  
 t'ohts'iti yaqo*?alit?itq* T'i:tsk'in. Haya:*?ak'atl'atok*  
 qwiqokwi:*?ah*. Hawi:*?atl* machino*?atl* maht'i:*?i* hine:*?i?atl*.  
 N'oshshi*?atl* motsmoha*q* ?o:kwil Ts'o:ma*?as?ath* Ho:pach'as*?ath*,  
 ?oh*?atl* ha:w'ilat*l?i* ?otsachitlit*?i* T'i:tsk'in*?i*,  
 ?imtna:ksap*'atl* lo:chm'o:pok*?i* ?okla:nop To:ti:s*?a?ato?aq*s.<sup>24</sup>  
 ?Ayi:chi*?atl* ?imti: ?oh*?atl* ha:w'ilat*l?i* ?oklintlsintsit  
 ?oh*?i:chi*?atl ?imti: Wi:wimta*?i:k*<sup>25</sup> ?okwachi:l*?atl* ?imti:.  
 ?Ah[?atl y'o:qwa: hayoqomy'\*ahs'atl\* Kokohw'isa\*?i:h?\*i  
 ?o:\*?inl?atl\* y'o:qwa: cha:\*?oy'inl?atl\*<sup>26</sup> ?oh.](#)

?Ah[?atlwe](#)?in*?a:la* ?otsachi*?atlqo*: n'ow'i:qsakitgas,  
 ?ayimch'a tich'ak. ?Ayimkshi*?atl* ?otsich'a tich'ak  
 ?otsachitlich'a T'i:tsk'in. Histath*?atlok wah* ?ah[?a:hamatap](#)  
 ?o:o*?i:h* chims wiktso*kw'ap'atl* hini:p. Mo:sa:*htak* tich'im  
 ?o:sa:*hatl* ?oyi*?okt'atl* waha:ki:ch T'i:tsk'in.